




www.BibleForChildren.org


Génesis 1




Are nakuexinxion
be ' e kain, Ndo Dio
binchechjian ngajni
ko nunthe.



Ko nunthe be ' a nunthe inchin jii nunthe ko xru ' in
bechunda, ko thi naxin xe ' e be ' e
bakejanthe nguii thi xraa
ndachaon anto ni ' nga, ko
Espiritue Ndo Dio bakingi
ngatau ' en jinda.




Ko ndachro Ndo Dio: «Rina ' o singasaan.» Ko thi dingasaan kununxinbe ' o. Ndo Dio binchehi ' in thi dingasaan, «ncha ' on», ko thi naxin xe ' e binchehi ' in, «th_{ie}». Ko batho th_{ie} ko bingasaan, ko jaña xethja thi ncha ' on sa ' o.



Kuthimejan ndachro Ndo Dio: «Ncho, de ' e naa thi tsunchjeeya ko ruke ' e jinda.» Ko jaña nchao ruchjeeya jinda. Thi kunchjeeya ko ke ' e jinda, Ndo Dio binchegi ' in «ngajni». Ko batho thje ko bingasaan, ko jaña xethja thi ncha ' on yuxin.



Kai ndachro Ndo Dio: «Kain jinda jii chringi ngajni nakua ncho xratse nda. Ko ncho tununxin nche xema.» Ko jaña ku ' en. Ko thi xema Ndo Dio binchegi ' in «nunthe», ko jinda xratse binchegi ' in Ndo «ndachaon». Ko Ndo Dio bikon Ndo ixin jaan, jian.



Kuthimejan ndachro Ndo: «Ncho duan ka yua ngata ' a
nunthe, kain ka dajon tsee, ko kain nthaa dajon
thuchjuin kunixin tsee.» Ko jaña ku ' en.

Ko batho thje ko bingasaan,
ko jaña xethja thi
ncha ' on ninxin.




Ndo Dio binchechjian yoo xru ' i jié nchengasaan, ko xru ' i icha jié sinchengasaan ngain ncha ' on, ko inaa xru ' i sinchengasaan ngain thje. Ko kai binchechjian Ndo kunutse. Ko batho thje ko bingasaan, ko jañaaxethja thi ncha ' on nunxin.



Ko ndachro Ndo Dio:
«Ngain ndachaon, ncho
tununxin kain thi jichon
ngain nda, kai ngain
nunthe, ncho tununxin ku
tjaganga nguii ngajni.»
Ko batho thje ko
bingasaan, ko jaña
xethja thi ncha ' on
naunxin.



Ko ndachro Ndo Dio: «Nunthe ncho dajon kain thi jichon: Kuxiigo chrjikua ko te ngaga ' a jna, kuxiigo nchekjanii ni ngain nchia, kunchee ko kain kuxiigo thingajintaon tse ' e nunthe.» Ko jaña ku ' en.




Ko ndachro Ndo Dio: «Nthuchjian ná xii inchin ja ' an ná, ko tsetu ' en kучee te ngain ndachaon, kain kuxiigo tјaganga, ko tsetu ' en kuxiigo chrјikua ko te ngaga ' a jna ko kuxiigo nchekјanii nа ngain nchia, ko kain kuxiigo thingajintaon tse ' e nunthe.»

Ko bikon Ndo Dio kain thi binchechјian Ndo, јanto chrјuin јii! Ko batho thіe ko bingasaan, ko jañaа xethja thi ncha ' on inkjaunxin.



Ko Nchaa ná Ndo Dio bake ' e xii ngain nunthe Edén
ixin runche ' e xra ko rugenda nunthe.



Ko Nchaa ná Dio kuetu ' an
ngain thi xii ko ndachro:
«Ja ' a nchao sinthe
thuchjuiin kain nthá jii
ngain nunthe Edén, aro
sinthe ' a thuchjuiin nthá
nchekinxin ni thi jian ko
thi jian ' a, ko ndua thi
rindathjo ixin ja sinthe
tho yaa, ndase ' en.»



Ko jañaá Adán ndachro kexreen bi ' in kain kuxiigo ko kain kunthua, aro binchue ' a kensen rugakao ko rukjengijna je ' e.



Mexinxin Nchaa ná Dio kuenjua Adán ngain naa kuthachrin anto suji, ko are tajijua bantsje ' e Ndo naa nthanthakuin, ko kjan kujeje Ndo thi xiree nthau ' e. Ko thi nthanthakuin xa bachrje ' e xa, Nchaa ná Dio binchechjian naa nchrii, ko binchechie ' en Ndo nchra ngain xa.



Mexinxin xii sachrjende ' e ndudee ko janee,
ixin thi xii ko thi nchr̄ii ndarrukjan n̄a xraa
nakua chujni.



'Ndudana thjen
ngajni anto thjue'e ndo kainxin chujni
ngata'a nunthe, mexinxin bajon na ndo
ja'an, thi nakuaxinxon Xe'en Ndo ixin
kainxin chujni dithikaon na ja'an
tsji'a n̄a ngain thi xru'i dang'a,
ko rukjan n̄a inaa chujni
narua thi xru'in
ncha'on
tsjexin.



Romanos 3:23

ixin kain ná bintho ' o ná thi jian ' a, mexinxin ndakunkjínxin ná ngathexin kon Ndo Dio.

Romanos 6:23

Thi chujni nche ' e thi jian ' a sacha n̄ tsji n̄ ngathe xru ' i.
Aro thi juinthathuan ná Ndo Dio nthakjan ná inaa chujni narua ko xru ' in ncha ' on se ' en ná ko sunthe ná ngain Nchaa ná Jesucristo.

Hebreos 9:27

Jañaa inchin kain chujni de ' en n̄ nakua nthi ' a,
kuthimejan Ndo Dio sinche ' e jie ngain n̄,



Efesios 2:8,9

Ixin thi anto thjua ' a ra Ndo Dio, ja ' a ra bitjaña ' a ra jie, je ' o ixin chunthia ra ngain ndo ko je ' a ixin runche ' e ra tsjé thi jian. Ji ' i ku ' en ixin thi binthathuan ná Ndo Dio.

Ko kuen ' a ji ' i ixin thi jian nche ' e chujni, mexinxin xru ' in chujni tsa ' in ñao.

Romanos 10:9,10

Ja rundachro kunixin ru ' a ixin Jesucristo Nchaa ko ngain ansean sithikaon ixin Ndo Dio binchexechon Jesucristo ngayee ni ndadige ' en, jamee ja ' a rukjan inaa chujni narua. Ixin anseen ni dithikaunxin ni ixin Ndo Dio nchekjan ni jian chujni, aro ixin ru ' a ni rundachruxin ni ixin batsuan ni Jesucristo, ixin jaña rukjan ni inaa chujni narua.



San Juan 3:16,17 'Ndudana thjen ngajni anto thjue ' e ndo kainxin chujni ngata ' a nunthe, mexinxin bajon na ndo ja ' an, thi nakuaxinxon Xe ' en Ndo ixin kainxin chujni dithikaon na ja ' an tsji ' a n̄ ngain thi xru ' i danga ' a, ko rukjan n̄ inaa chujni narua thi xru ' in ncha ' on tsjexin. Ixin Ndo Dio ruan ' a na ndo ja ' an, thi Xe ' en ndo, ngata ' a nunthe ixin sinche ' e xan j̄e; Ndo Dio rua ' an na ja ' an ixin tsjengijna kainxin chujni ixin rukjan n̄ inaa chujni narua.

1 Juan 5:11-13 Ko ji ' i thi ndua ndachro Ndo Dio: Je ' e ndo nthagechon ná ko xru ' in ncha ' on se ' en ná ko thi dintecheon ni, jii ngain Jesucristo. Chujni dithikaon Xe ' en Ndo Dio techon ná ko xru ' in ncha ' on se ' en n̄; ko chujni dithikaon ' a Xe ' en ndo, techon ' a n̄ ngathexin kon ndo. Ja ' an ji ' i k̄jin na ixin ja ' a ra xro dithikaon ra Jesucristo thi Xe ' en Ndo Dio ixin tsunu ' a ra ixin utechon ra ko xru ' in ncha ' on se ' en ra.



Génesis 1 – 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Popoloca, San Marcos Tlacoyalco Bible (pls) © 2017,
Wycliffe Bible Translators, Inc. All rights reserved.

<https://live.bible.is/bible/PPSTBL/MAT/1>

©2025 Bible for Children, Inc.

www.M1914.org

www.bibleforchildren.org

